

集古官印考

集古官印攷卷八

嘉定瞿中溶編輯

男樹鎬校刊

湯氏

右鄴之丞印案地理志東海郡費故魯季氏邑都尉  
治師古曰音秘郡國志改屬泰山郡据後鄴丞印則  
此印文上下當皆自右而左讀之又詳後蘭干左尉

桂氏

右鄴丞之印案地理志鄴屬魏郡

大年據陸氏紹曾漢印譜摹補

右故市丞印案地理志故市屬河南郡郡國志無故市蓋東漢已并入它邑矣此定爲西漢印據錢獻之漢書地理志斟正錄入錢云余所得漢時故市丞印卽河南郡之故市也

顧譜

右木禾丞印案地理志木禾屬上郡郡國志無木禾亦西漢印也

印叢鼻鈕

右琅槐丞印案地理志琅槐屬千乘郡師古曰槐音回郡國志無琅槐此亦西漢時印

印叢橋鈕顧譜无鈕

右容城丞印案地理志容城屬涿郡郡國志無容城  
此亦必西漢印

顧譜鼻鈕

右甯陽丞印案地理志甯陽侯國屬泰山郡郡國志  
無甯陽此印亦當爲西漢物范譜有此印正合當卽  
一印也

顧譜鼻衄

右殺栩丞印案殺栩已見前長印攷兩漢志栩皆作  
栩攷說文無殺字栩柔也徐音況羽切而漢書地理  
志顏師古注栩音詡正與況羽切合可證今本漢志  
必因上殺字从丂旁而誤以栩字木旁亦作丂旁也  
當据印文正之

右安陸丞印案地理志安陸屬江夏郡印文陸字以夫之上畫移下土作王頗繆

鼻鈕

右臨沮丞印案地理志臨沮屬南郡郡國志同云侯國放後漢宦者史汎以安帝延光四年十一月封臨沮侯六舟受上人贈予

右安陵丞印已詳前鄉侯印翁氏兩漢金石記摹有印文

印存

右舞陽丞印案地理志舞陽屬潁川郡應劭曰舞水出南

湯氏

右故鄣丞印案故鄣已詳前長印



右全椒丞印案地理志全椒屬九江郡

桂氏

右曲陽丞印案地理志曲陽侯國屬九江郡應劭曰在淮曲之陽郡國志作西曲陽又東海郡亦有曲陽應劭曰在淮曲之陽郡國志改屬下邳國又交趾郡曲易師古曰易古陽字郡國志亦作陽則此印未知

所屬地理志九江東海注皆引應劭言同恐有一誤  
衍者以地理證之東海郡縣與淮近九江下必是重  
出

桂氏

右陰館丞印案地理志陰館屬鴈門郡

桂氏

右脩武丞印案地理志脩武屬河內郡

右曲梁丞印案地理志曲梁屬廣平國郡國志改屬  
魏郡皆云侯國似不當有丞

右印文曰東平陸馬丞山左金石志云續漢書百官  
志縣丞一人署文書典知倉獄今日馬丞是丞而知  
馬政者也東平陸屬東平國曰東平陸別西河平陸

而言也其曰馬丞或東平陸有馬故以丞兼理之也  
中溶案此印五字爲文與莽時諸印合蓋馬丞亦莽  
所設之官與前采宰同據今所見有稱馬丞印者七  
又有稱徒丞印者三又有稱空丞印者二而上虞既  
有徒丞印又有空丞印初以馬丞爲主馬政之丞而  
徒丞當爲主徒兵之丞空丞爲主水土之丞然終無  
確据疑未敢定及後思周時以司馬主天司徒主人  
司空主土謂之三公見漢書百官表序而王莽法以  
爲制亦以司馬司徒司空爲三公見莽傳以此而推

其改稱令長爲宰蓋正放朝廷內設冢宰太宰之意  
而其丞之加馬與徒空字者亦放司馬司徒司空之  
意也王莽紊改漢制數年之間屢更亂蓋史家已有  
不能攷知而盡載者今據此十餘印斷非後人能鑿  
空僞造者而印文五字皆與莽制合似定爲莽制可  
無疑惟世代遙遠書缺有間前人并未之及姑爲此  
說以俟來者

右汾陰馬丞印案地理志汾陰屬河東郡餘詳前

查氏

右虢縣馬丞印案地理志虢屬右扶風此印文加縣字足成五字亦王莽所置馬丞印也餘詳前

右睢陵馬丞印山左金石志云漢書地理志睢陵屬臨淮郡莽改曰睢陵師古曰睢音雖續漢書郡國志

屬下邳國據此與平陸馬丞印知漢時縣丞專知馬政可以補史之缺略矣中涓案此亦王莽所設馬丞印也惟志言莽改爲睢陵不應仍稱睢陵爲可疑豈鑄印尙在未改之時邪抑馬丞仍用漢舊名邪睢字从目不从且與前長印同餘詳前

印存

右上虞馬丞印案地理志上虞屬會稽郡莽曰會稽此印亦似莽制然亦不稱會稽餘詳前

右僞陵馬丞印案地理志僞陵屬潁川郡莽曰左亭  
李奇曰安國爲安陵師古曰僞音偃郡國志僞作隰  
云春秋時曰僞春秋鄭共叔所保故曰克段於鄆又  
成十六年晉敗楚於隰陵又陳留郡僞師古曰音同  
而地理志於陳留郡僞注引應劭曰鄭伯克段於僞  
是也師古曰僞音偃郡國志改屬梁國亦作僞而無  
說此印文與地理志合也此亦不稱莽所改之縣名



與前同餘詳前

桂氏

右鄭縣馬丞印案地理志鄭屬涿郡莽曰言符應劭曰音莫郡國志改屬河間國此印文有縣字與前號縣馬丞印例同而亦不用莽改言符縣名餘詳前

右平原徒丞印案地理志平原縣屬平原郡有篤馬

河東北入海五百六十里平原郡高帝置莽曰河平  
屬青州此印文五字與前馬丞略同亦不作河平餘  
詳前印爲張叔未所藏

右雒丘徒丞印案地理志雍丘屬陳留郡郡國志同  
餘詳前

印統

右沮水徒丞印案地理志沮水屬樂浪郡水西至增  
地入海莽曰樂鮮亭師古曰沮音普大反郡國志沮  
誤爲沮此印文五字與王莽所鑄諸印合其不用樂  
鮮亭名亦與前平原印同餘詳前

右上虞空丞印案上虞已見前馬丞印餘詳前

右烏傷空丞印並與前上虞空丞印同類案烏傷兩漢並屬會稽郡地理志云莽曰烏孝餘並詳前

桂氏

右印文曰東光采空丞案兩漢志東光皆屬勃海郡此印文五字必亦是莽時物可與孱陸采宰一印互證而易宰爲空丞與前同餘詳前

印統

右且慮丞印案漢書地理志且慮屬遼西郡此印中有十字界四圍亦同與前後諸漢印形制獨異

右下雉丞印下雉二字甚繆案地理志江夏郡有夏雉莽曰閏光庚子秋諸城李月汀觀察攝江蘇臬篆得於吳門

印統趙摹

右波左尉印案地理志波屬河內郡

顧譜鼻鈕

右鬲左尉印案地理志鬲屬平原郡云平當以爲鬲  
津師古曰讀與隔同郡國志云侯國鬲字尉字多謬  
體左字卻不誤

右梧左尉印案地理志梧屬楚國郡國志改屬彭城

國

顧譜鼻鈕

右郾左尉印案左上一字集古印譜闕予按是郾字  
地理志郾屬江夏郡蘇林曰音育師古曰育萌又音  
莫耿反

桂氏

右剡左尉印案地理志會稽郡剡師古曰音上冉反

顧譜

右印文曰海陵左尉案地理志海陵屬臨淮郡郡國志無此縣此印當是西漢物

右印文曰陰槃左尉案地理志陰槃屬安定郡郡國志槃作盤此當爲西漢物



右印文曰夷道左尉案夷道已見前長印此文道下  
加市乃禾之省攷漢碑道字亦多作𣎵乃𣎵之省詳  
予隸釋隸續古義拾補足證此爲漢印無疑

右印文曰曲陽左尉詳前丞印

范氏鼻劍

右印文曰長安左尉案長安已詳鄉侯印下

楊氏譜

右印文曰太陽左尉詳前長印

范氏鍍金龜鈕

印絃趙摹

右印文曰蘭羊左尉案地理志蘭干屬天水郡郡國

志改屬漢陽郡此印文上下二字皆自右至左讀之與前鄴丞之印同予所得漢長生未央瓦當文亦有如此讀者可信爲漢物惟上印范譜注鍍金龜鈕與縣尉之制不合或因邊郡故也

范氏鍍金龜鈕

印叢駝鈕

右印文曰雒奴左尉案地理志雒奴屬漁陽郡案上印范譜云鍍金龜鈕與前蘭干左尉同漁陽亦邊郡也而下印注氏又云駝鈕爲異

大年按縣尉印應是銅印鼻鈕范氏所注疑亦誤

右印文曰新汲左尉案地理志潁川郡新汲師古曰  
闕駟云本汲鄉也宣帝神爵三年置以河南有汲故  
加新也

右印文曰陸渾左尉案地理志陸渾屬宏農郡張叔

未所得

查氏

右印文曰三封左尉案地理志三封屬朔方郡武帝  
元狩三年城

右印文曰軍都左尉案地理志上谷郡軍都溫餘水  
東至路南入汾

范氏鼻鈕

印存

右印文曰林慮左尉案地理志隆慮屬河內郡應劭曰隆慮山在此避殤帝名改曰林慮也師古曰慮音廬郡國志作林慮此印蓋東漢殤帝以後物下印文稍異

右印文曰歷陽左尉案地理志歷陽屬九江郡莽曰

明義歷字當作歷此繆篆

右印文曰義成左尉案地理志義成屬沛郡

耕氏

右印文曰須昌左尉案地理志須昌屬東郡郡國志改屬東平國桂氏繆篆分韻誤以爲晉印又印文須字左旁从木不從彡攷說文以須爲古文洙

右印文曰襄武左尉案地理志隴西郡有襄武縣此  
襄下一字當是武之剝蝕者

右印文曰彭城左尉案地理志彭城屬楚國云古彭  
祖國郡國志改屬彭城國印文在作司非



右印文曰華容左尉案地理志華容屬南郡云雲夢澤在南荊州藪夏水首受江東入沔行五百里應劭曰春秋許遷於容城是

印統

右印文曰下洛左尉案地理志下洛屬上谷郡此印四圍有界左亦作式非

右印文曰昭陽左尉攷兩漢志皆無昭陽縣而漢書  
王子侯表有昭陽侯賞長沙刺王子平帝元始五年  
閏月封四年免又溝洫志言哀帝初待詔賈讓言治  
河上中下策有又爲石隄使西北抵魏郡昭陽之語  
攷戰國策亦言昭陽爲楚北魏移師攻齊則昭陽縣  
當爲魏郡而漢志魏郡皆無此縣表與溝洫志既有  
此縣今又有此印其魏郡有昭陽縣似無可疑豈地

理志有脫誤邪

印存

右靈右尉印案地理志靈屬清河郡郡國志和帝永  
元九年復

桂氏

右劇右尉印案地理志劇屬北海郡又菑川國亦有  
劇應劭曰故肥國今肥亭是郡國志并屬北海國云

有紀亭古紀國攷地理志又於泰山郡肥成下引應劭曰肥子國與劇下所引混

大年據潘譜摹補

右雒右尉印案地理志雒屬廣漢郡音山雒水所出南至新都谷入湔有工官莽曰吾雒郡國志云州刺史治此亦劉吉甫與東萊太守印同時所得印之泥範也

右印文曰渭成右尉案地理志渭城屬右扶風故咸陽高帝元年更名新城七年罷屬長安武帝元鼎三年更名渭城郡國志無渭城蓋併入他縣矣此爲西京物印文作成城古通

鼻鈕

右印文曰肥城右尉案地理志肥城屬泰山郡應劭

曰肥子國郡國志無此縣則此印當爲西京物成又  
作城與前印異葉紉之汝蘭得於山左後贈海昌六  
舟和尙達受達公又以贈予

顧譜鼻鈕趙摹

右印文曰杜陵右尉案地理志杜陵屬京兆尹云故  
杜伯國宣帝更名

顧譜鼻鈕

右印文曰雲陽右尉案地理志雲陽屬左馮翊

顧譜

右印文曰姑臧右尉案地理志姑臧屬武威郡

印叢駢鈕顧譜鼻鈕

右印文曰原陽右尉案地理志原陽屬雲中郡

右印文曰立降右尉案漢無立降縣後代亦未見其名而印文甚工整有法姑附此

顧譜鼻鈕

右吳尉之印案地理志吳屬會稽郡郡國志改屬吳郡云吳本國

金氏鼻鈕

右印文曰南新市尉新字文反稍繆案郡國志南新



市侯國屬江夏郡蓋因中山國有新市故加南以別之也而地理志無說

右印文漫漶錯繆似是東武尉印四字案地理志東武縣屬琅琊郡

右觀津尉印案地理志觀津屬信都國師古曰觀音

工喚反郡國志屬安平國范譜有此印文略同云鼻鈕

鼻鈕顧譜

右故鄣尉印亦詳前長印范譜有此印文稍異

范氏鼻鈕

右印文曰漢德道尉攷兩漢志並無漢德道地名而据宋書州郡志言梓潼太守晉太康地志劉氏分廣

漢立本屬梁州文帝元嘉十六年度邑益州永初郡  
國又有漢德新興徐同徐云新興義熙九年立漢德  
舊縣案二漢並無漢德縣晉太康地志王隱並有疑  
是劉氏所立中涓攷漢制縣邑有蠻夷者則稱道地  
理志廣漢郡屬益州有外氏羌諸蠻夷其縣名之有  
道字者一曰甸氏道二曰剛氏道三曰陰平道据沈  
休文言漢德疑是劉氏所立其云劉氏者非建安末  
即蜀漢也劉氏旣分廣漢郡立梓潼郡則漢德道想  
亦其時所立据此印漢德下尙有道字晉太康地志

王隱地道記但云漢德未得其實而續漢書郡國志無此縣邑者或遺而失攷耳晉書地理志梓潼郡有漢德或晉時已去道字故太康王隱皆云然晉志直以爲劉備據蜀又立漢德縣以爲梓潼郡據晉志又云蜀章武元年改固陵爲巴東郡巴西郡爲巴郡又分廣漢立梓潼郡則此印似又當屬之蜀漢

龜鈕有子印已佚

右故成平侯私印攷史記建元以來王子侯表河閒

獻王子劉禮元朔三年十月封成平侯元狩三年有  
罪國除又攷漢書地理志勃海有成平縣不云侯國  
當是先已國除故也此印蓋劉禮有罪國除之後不  
得仍用成平侯印乃作此私印而云故成平侯也漢  
書王子侯表成作城古通而誤倒爲平城與膠東頃  
王子劉邑混予有辨載集中此印已收於顧氏印藪  
丁酉秋予在蘇州有吳江友人楊龍石澥得之持以  
示予文縱橫有界格制作古雅可信爲西漢時物故  
補入焉

楊氏譜

右印文曰易陽廷掾徐況案易陽詳前令印攷百官志於縣令長丞尉下言各署諸曹掾史本注曰諸曹略如郡員五官爲廷掾監郡五部春夏爲勸農掾秋冬爲制度掾漢官曰洛陽令官掾史幹小史二百五十人蓋諸曹掾史甚多皆由縣令自署而給以印信并著以姓名爲別耳印文易誤易即古陽字可見當時印文之繆不獨成臯諸印矣

印存

右印文曰有秩獄史富納案百官表鄉有三老有秩百官志鄉置有秩本注曰有秩郡所置秩百石漢官曰鄉戶五千則置有秩風俗通曰秩則田間大夫言其官裁有秩耳又廷尉鄉一人本注曰掌平獄漢官曰員吏百四十人其十三人獄史又縣各署諸曹掾史下引漢官曰雒陽員吏七百九十六人鄉有秩獄史五十六人此印文云有秩獄史蓋即鄉之有秩獄

史也而富納乃其人之姓名耳此亦掾史之流縣所  
自署又非止一人故各給印信係以姓名與前易陽  
廷掾同漢蒼頡廟碑人名有蓮勺左鄉有秩池陽左  
鄉有秩等卽鄉三老之有秩而武都太守李翕碑有  
衡官有秩則又非獄史及鄉三老矣

右印文曰河閒私長朱宏案地理志河閒國故趙文  
帝二年別爲國應劭曰在兩河之間郡國志云世祖



省屬信都和帝永元三年復攷說文私下云北道名  
禾主人曰私主人則私長之稱或因是故邪蓋亦縣  
之員吏廷掾獄史之流故其文略與前同也此爲史  
志所未詳可以補其闕略范氏譜有此印皆合云龜  
鈕

范氏瓦鈕

有橫野大將軍莫府卒史張林印案宋書百官志橫  
野將軍漢光武以耿純居之攷後漢書耿純傳純爲

將軍並未爲橫野將軍惟王常傳言拜橫野大將軍亦見耿純傳故沈休文誤作純耳又攷漢書李廣傳自衛幕府注衛青征匈奴大克獲帝就拜大將軍於幕中因曰幕府又史記李牧傳以便宜置吏市租皆輸入幕府索隱云古者出征以幕帟爲府故曰幕府又攷史記滑稽傳武帝時徵北海太守詣行在所有文學卒史王先生者自請與太守俱又漢書兒寬傳云以射策爲掌故功次補廷尉文學卒史是太守廷尉皆有文學卒史而孔廟有置百石卒史碑續漢書

百官志言太守諸曹掾史有百石卒史及文學守助掾孔廟碑以孔鮒補百石卒史先言鮒爲守文學掾似文學在卒史之下而亦可通稱文學卒史也大將軍幕府得自置官屬故云幕府卒史猶今之幕寮故庾信哀江南賦云幕府大將軍之愛客此張林當卽王常之幕客也

右槐治縣騎司馬丞王審之印信案地理志右扶風

槐里周曰犬邱懿王都之秦更名廢邱高祖三年更名莽曰槐治此印當是莽時人之私印也騎司馬丞蓋亦莽所置之官

印叢龜鈕顧譜鼻鈕

右印文曰裨將軍張賽漢書王莽傳賜令長號爲裨將軍宋書職官志列於淩江等四十號將軍之內四十號將軍皆漢魏時置惟此印有張賽姓名似非它印豈因莽時裨將軍不止一人故各係姓名爲別邪

故印文五字與莽制合

右五威將焦掾並印攷王莽置五威將見本傳印文  
曰焦掾並者蓋亦掾屬也與前易易廷掾同惟焦當  
爲姓並其名也然不曰掾焦並而云焦掾並與前諸  
印異

右守軍候楊戎印守軍候似亦其官稱楊戎乃姓名也與前同此印文五字或亦莽時物守軍候蓋廷掾獄史之流故亦著姓名也

印存

右右扶風丁潛印案地理志右扶風故秦內史高帝元年屬雍國二年更爲中地郡五年罷復爲內史武帝建元六年分爲右內史太初元年更名主爵都尉爲右扶風丁潛乃姓名此不稱官蓋漢人之私印而

但著其所居之郡者耳因其有郡名故附錄之後皆同

桂氏

右印文曰三輔宗慈本中攷百官志云河南尹一人主京都特奉朝請其京兆左馮翊右扶風三人漢初都長安皆秩中二千石謂之三輔至中興都雒陽更以河南郡爲尹以三輔陵廟所在不改其號但減其秩其餘宏農河內河東三郡其置尹馮翊扶風及太

守承奉之本在地理志印文曰宗慈者蓋姓名本中則字也漢有宗資宗均當卽其族此亦漢人私印也  
大年據汪氏啟淑漢銅印叢摹補印原亦有

桂氏

右印文曰趙國襄國宋諺字子義案地理志趙國故秦邯鄲郡高帝四年爲趙國景帝三年復爲邯鄲郡五年復故莽曰桓亭屬冀州縣有四一曰襄國故邢國此文多一字字與前異



大年據印統纂補明潘氏雲杰秦漢印範印藪並有

桂氏

右印文曰汝南支成宋外字外人案地理志郡國志汝南郡皆無支成當是安成之誤郡國志成作城

桂氏

右印文曰東口蘭陵徐口字德牙案地理志蘭陵屬

東海郡則東下乃海字

大年據范譜摹補吳譜亦有

右印文曰蜀郡李閏同前地理志蜀郡屬益州

桂氏

右印文曰蜀郡任珙同前

大年據無名氏古印冊摹補

右印文曰北海劇瞿登敬臺私印案地理志北海郡  
劇侯國攷說文瞿曾也徐鼎臣云今俗有咎字蓋瞿  
之譌七感切而廣韻上聲感韻七感切下引說文訓  
同下別有咎姓也子感切正與徐說合宋以前史傳  
無瞿姓而宋史有博州高唐人咎居潤亦可與鼎臣  
言互證然廣韻於平聲鹽韻潛下引姓苑云臨川人  
下亦列瞿字於瞿縣名今作潛然則潛瞿二字可通

据此印知晉姓漢時已有之蓋唐五代後始變作咎字也或與潛姓同出一族亦未可知

右印文曰王亮私印中有子印文曰琅邪東武王亮  
子嗣印又有孫印文曰王亮亦李月汀觀察璋煜所  
得一印而有子孫印皆全月汀又係諸城人即漢之  
東武真奇遇之寶也

顧譜龜鈕

右漢三老信印案漢書高帝紀二年詔舉民年五十  
以上有脩行能帥衆爲善置以爲三老鄉一人擇鄉  
三老一人爲縣三老與縣令丞尉以事相教使勿繇  
戍以十月賜酒肉惟攷漢印蠻夷王以下等官則有  
漢字三老上不當有漢字此印左行而篆文甚劣疑  
後人僞作且据譜云龜鈕益見其僞矣

右印文曰高利三老案兩漢志無高利縣當是鄉名也百官公卿表鄉有三老掌教化百官志三老掌教化凡有孝子順孫貞女義婦讓財救患及學士爲民法式者皆扁表其門以興善行則此卽是也

查氏

張氏

右印文曰萬歲卯卑三老三老詳前攷地理志洛陰

郡程莽曰萬歲則萬歲當爲縣名又後漢荀彧封萬歲亭侯章懷注萬歲亭在今洛川故嵩陽縣西則萬歲又亭名而許冲上說文表云萬歲里則又爲里名矣此未知何屬卯卑亦不知所謂或謂卯卑二字當卽一單字以後單人祭尊東單人祭尊千歲單祭尊及萬歲單祭尊印證之似卽同類并又有傳戰司馬印似是王莽時物其戰旁作輩與此作輩小有不同則上印作𠂔𠂔直以卑爲尊卑之卑者豈僞物乎

右印文曰萬歲左父老萬歲詳前此印文五字與王莽各印合疑亦莽時物左父老蓋亦莽制也

桂氏

右印文曰鄉老信印當即鄉三老也

大年據印正摹補



右印文曰東昌祭尊案地理志信都國有東昌侯國攷困學紀聞引滴水李氏云古印有文曰祭尊非姓名乃古之鄉官也說苑載鄉官又有祭正亦猶祭酒也中溶攷滴水集回嚴司理書云辱簡喜聞累日動止安佳承觀古印二鈕祭尊非姓名乃古之鄉官也昔於說苑載鄉官又有祭正亦猶祭酒也某家舊亦有文曰成陰祭尊大小形製與此印正同

印叢

右印文曰南孟祭尊攷兩漢縣名無南孟當是鄉里之名

右印文曰外里祭尊案外里當亦同前何夢華以印本見寄云龜鈕

右印文曰新利祭尊當同前

右印文金門祭尊當亦同前

右印文曰霸西祭尊當亦同前印爲武林家潁山翁

世瑛藏

右印文曰宜土祭尊案宜土當亦同前

右孝弟祭尊之印案孝弟當與前同而印文有之印  
二字其制異於前諸印疑非同時物

右印文曰單人祭尊案單人當亦同前

范氏龜鈕

右印文曰東僊祭尊案東僊或即東單以僊爲單也  
亦鄉里之名桂氏有東單人祭尊似即此

桂氏

右印文曰千歲單祭尊案千歲或是鄉里名而其下  
又有單字豈千歲爲鄉名而單又其里名邪此印文  
亦五字與王莽時制合

大年據印則摹補

右印文曰始樂單祭尊當與前同

查氏

右印文萬歲及單並見前而單下又有印字爲難解  
豈當讀作萬歲單祭尊印邪萬歲單當與前千歲單  
同義桂未谷馥札璞云古銅印有始樂單祭尊萬歲  
單祭尊案始樂萬歲皆里名祭尊鄉官猶祭酒見困  
學紀聞集韻難囊何切難却凶惡也周禮方相氏率  
百隸而時難難或作單通作儺馥謂單祭尊里中主  
儺祭者單儺聲相近故龔从單聲玉篇颺古文儺又  
云剛卯文云庶疫剛痺莫我敢當東京賦飛儺兩散  
剛痺必斃薛注痺難也言鬼之剛而難者皆盡死也

中溶謂如薛之解則單當音痺難讀本音單痺難並  
在廣韻平聲二十五寒聲相近矣餘詳予文集中剛  
卯攷

右印文曰祭尊無地名又與前諸印不同此亦藏家  
穎山清吟館



右印文曰祭正改尊爲正見前涵水集

集古官印攷卷九

嘉定瞿中溶編輯

男樹鎬校刊

越君長

史記越王勾踐世家越王無疆伐楚楚威王興兵而伐之大敗殺越王無疆盡取故吳地至浙江北破齊於徐州徐廣曰周顯王之四十六年而越以此散諸族子爭立或爲王或爲君濱於江南海上服朝於楚後七世至閩君擢佐諸侯平秦漢高帝復以擢爲越王以奉越後東越閩君皆其後也又東越列傳閩

集古官印攷 卷九

越王無諸及越東海王搖者其先皆越王勾踐之後也姓駟氏秦已併天下皆廢爲君長以其地爲

閩中郡

徐廣曰今建安侯官是

及諸侯判秦無諸搖率越歸

鄱陽令吳芮所謂鄱君者也從諸侯滅秦當是之時項籍主命弗王以故不附楚漢擊項籍無諸搖率越人佐漢漢五年復立無諸爲閩越王王閩中故地都東冶孝惠三年舉高帝時越功曰閩君搖功多其民便附乃立搖爲東海王都東甌世俗號爲東甌王至建元六年閩越擊南越王郢被

其弟餘善所殺漢立無諸孫繇君丑爲越繇王奉  
閩越先祭祀立餘善爲東越王與繇王並處至元  
鼎五年南越反六年餘善亦反元封元年繇王居  
股殺餘善以其衆降漢封居股爲東成侯萬戶時  
東越狹多阻閩越悍數反覆詔軍吏皆將其民徙  
處江淮間東越地遂虛又南越尉陀傳云姓趙氏  
秦時已并天下略定揚越置桂林南海象以謫徙  
民與越雜處十三歲佗秦時用爲南海龍川令至  
二世時行南海尉事秦滅卽擊并桂林象郡自立

爲南越武王高帝十一年因立爲南越王又自尊號爲南越武帝文帝時去帝孝景時稱臣使人入朝請然南越其居國竊如故號名其使天子稱王朝命如諸侯建元四年卒孫胡爲南越王元鼎四年上書請比內諸侯三歲一朝除邊關於是賜其丞相呂嘉銀印及內史中尉太傅印餘得自置呂嘉等反元鼎六年南越平遂爲九郡漢書兩粵傳略同云遂以其地爲儋耳珠厓南海蒼梧鬱林合浦交趾九真日南九郡又漢書高祖本紀言五年

詔曰故衡山王吳芮與子二人兄子一人從百粵  
之兵以佐諸侯誅暴秦有大功諸侯立以爲王項  
羽侵奪之地謂之番君其以長沙豫章象郡桂林  
南海立番君芮爲長沙王又曰故粵王亡諸世奉  
粵祀秦侵奪其地使其社稷不得血食諸侯伐秦  
亡諸身帥閩中兵以佐滅秦項羽廢而弗立今以  
爲閩越王王閩中地勿使失職又十一年五月詔  
曰粵人之俗好相攻擊前時秦徙中縣之民南方  
三郡郡即桂林象郡南海使與百粵雜處會天下誅秦南海

尉佗居南方長治之甚有文理中縣人以故不耗  
滅粵人相攻擊之俗益止俱賴其力今立宅爲南  
粵主使陸賈卽授璽綬宅稽首稱臣

桂氏

右印文曰越賀陽君案賀陽君當是越君之號蓋與  
戰國策陳軫言義渠君蠻夷之賢君也又史記畱侯  
世家稱東夷君長爲倉海君同卽史記所謂或爲王  
或爲君及皆廢爲君長者是也

桂氏

右印文曰賀陽左尉攷歷代地理志皆無賀陽郡縣之名疑越人之地名也或賀陽乃越之部落有其所設之尉與漢縣尉分左右同則前印賀陽可知亦地名矣賀陽左尉當卽賀陽君之屬官

大年據郭氏偉績松筠桐蔭館古銅印章摹補



右印文曰越青邑君案此印當是越人之邑君其不分東越閩越南越恐尙在漢高帝未封閩君搖爲閩越王以前也青蓋其種類與青氏青羌同稱青邑君猶稱閩君耳

范氏瓦鈕

右印文曰新越餘壇君攷史記有東越南越閩越之稱太平寰宇記於福州侯官縣下云本漢縣屬閩越按郡國志云閩越之地東閩在岐海中西越今建安

郡是也則又有西越之稱矣而此印文又曰新越者  
攷王莽纂漢於建國元年卽真天子位定有天下之  
號曰新其傳言更匈奴單于璽爲新匈奴單于章則  
此文曰新或亦莽更越君之印也故文亦五字與莽  
時印合其云餘壇當與前賀陽同閩越東越南越等  
雖經武帝時滅亡蓋其種類尙多散處別地而自君  
其國者故莽時有此印卽三國魏志東夷傳注所謂  
今雖都統於郡國然故自有王侯在其墟落間是也

右印文曰新越三陽君印三陽君與前餘壇君同其稱新越當亦是王莽時物攷莽印俱以五字爲文而此多一印字爲六字與莽傳言新匈奴單于長數同且据後有新字之二小長印一爲八字一爲十二字皆非五字可證外國之印與百官不同非定以五字矣

桂氏

右印文曰越歸漢蜻蛉長攷漢書地理志越嶲郡有  
青蛉縣注言郡武帝元鼎六年開應劭曰故邛都國  
也有嶺水言越此水以章休盛也師古曰嶺音先藥  
反又青蛉注應劭曰青蛉水出西東入江也師古曰  
蛉音零又西南夷傳言自滇以北君長以十數邛都  
最大自嶺以東北君長以十數徙邛都最大蜀人司  
馬相如言西夷邛笮可置郡使相如以郎中將往諭

皆如南夷爲置一都尉十餘縣屬蜀又言南粵破後及漢誅且蘭邛君并殺笮侯冉皆震恐請臣置吏以邛都爲越嶲郡則此印文蜻蛉長當卽青蛉縣之長也而云越歸漢則明在南越已平之後矣越嶲與儋耳諸郡同於元鼎六年開其時越人散處之地甚廣故有百越之稱證以此印知越嶲之嶲以水得名其地號爲邛都國蓋亦越人散處之所故云越嶲耳應氏謂越此水以章休盛繆也蓋蜻蛉乃越部落之名其時漢雖設立蜻蛉縣而其部落仍自有邑君長之

名也此印可與晉高勾驪率善諸印互證而知當時  
開邊建立郡縣之制如此應仲瑗及小顏不於青蛉  
下表明爲越之部落又不知青當作蜻皆其疏也又  
華陽國志云通道甯州度瀘得蛉縣當卽蜻蛉

蠻夷王 侯 長 校尉 且渠

漢書百官公卿表典客秦官掌諸歸義蠻夷武帝  
太初元年更名大鴻臚又西域傳言最凡國五十  
自譯長城長君監吏大祿百長千長都尉沮渠當  
戶將相至侯王皆佩漢印綬凡三百七十六人而

康居大月氏安息罽賓烏弋之屬皆以絕遠不在  
數中其來貢獻則相與報不督錄總領也又言元  
始中小昆靡末振弟卑爰寔殺貴烏曰領以自效  
漢封爲歸義侯續漢書百官志大鴻臚一人中二  
千石本注曰掌諸侯及四方歸義蠻夷又四夷國  
王率衆王歸義侯邑君邑長皆有丞比郡縣史記  
匈奴傳單于置左右骨都侯左右骨都侯輔政諸  
二十四長亦各自置千長百長什長裨小王相都  
尉當戶且渠之屬顏師古注漢書曰且音子餘反

今之沮渠姓蓋本因此官又後漢書南匈奴傳異  
姓大臣左右首都侯次左右尸逐骨都侯其餘日  
逐且渠當戶諸官號各以權力優劣部衆多少爲  
高下次第焉又南蠻傳蠻夷有邑君長皆賜印綬  
又西南夷傳西南夷者南蜀郡徼外有夜郎國東  
接交趾西有滇國北有邛都國各立君長永元九  
年徼外蠻夷及揮國王雍由調遣重譯奉國珍寶  
和帝賜金印綬小君長皆加印綬錢帛十二年旄  
外徼外白狼樓薄蠻夷王唐繒等率種人十七萬



口歸義內屬詔賜金印紫綬又白馬氏建武初氏人悉附隴蜀及隗囂滅其酋豪乃背公孫述降漢隴西太守馬援上復其王侯君長賜以印西羌傳永平元年置三輔以謁者竇林領護羌校尉居狄道爲諸羌所信而滇岸遂詣林降林爲下吏所欺謬奏上滇岸以爲大豪承制封爲歸義侯又元初二年春號多等率衆七千餘人降詣闕賜號多侯印綬建武十三年廣漢塞外白馬羌豪樓登等率種人五千餘戶內屬光武封爲歸義君長至和帝

永元六年蜀郡徼外大牂夷種羌豪造頭等率種人五十餘萬口內屬拜爲邑君長賜印綬又南匈奴傳永平二年北匈奴護于丘率衆千餘人來降又烏桓傳建武二十五年遼西烏桓大人都且等九百二十二人率衆向化詣闕朝貢又鮮卑傳烏桓校尉耿种華發緣邊諸郡兵及烏桓率衆王出塞擊之烏桓豪人扶勇健每與鮮卑戰輒陷敵詔賜號率衆君永甯元年遼西鮮卑大人烏倫其至韃率衆詣鄧遵降奉貢獻詔封烏倫爲率衆王其

至鞬爲率衆侯陽嘉元年冬耿曰華遣烏桓親漢  
都尉戎朱鹿率衆王侯咄歸等出塞抄擊鮮卑大  
斬獲而還賜咄歸等已下爲率衆王侯長

楊氏譜

右印文曰四角王印攷後漢書南匈奴傳匈奴大臣  
貴者左賢王次左谷蠡王次右賢王次右谷蠡王謂  
之四角次左右曰逐王次左右溫禺鞬次左右斬將  
王是爲六角皆單于子弟次第當爲單于者也

印存

右印文曰四角胡王案四角見前攷漢書匈奴傳言  
晉北有林胡樓煩之戎燕北有東胡戎各分散谿谷  
自有君長往往而聚者百有餘戎又言東胡強欲得  
匈奴單于闕氏遂取所愛闕氏予東胡東胡王愈驕  
又言漢使四將各萬騎擊胡關市下將軍衛青出上  
谷至龍城得胡首虜七百人公孫敖出代郡李廣出  
雁門皆爲胡所敗漢使將軍韓安國屯漁陽備胡又

單于遣使遺漢書云南有大漢北有强胡胡者天之驕子也不爲小禮以自煩令欲與漢閭師古曰閭讀與關同大關取漢女爲妻則此印云四角胡王蓋卽東胡之單于也

印者

右印文曰四角羌王攷匈奴傳諸左王居東方直上谷以東接穢貉朝鮮右王將居西方直上郡以西接氏羌而單于庭直代雲中各有分地逐水草移徙而

左右賢王左右谷蠡最大又後漢書西羌傳元初四年秋任尚復募効功稚號封刺殺零昌封號封爲羌王又攷說文云羌西方牧羊人史記索隱續漢書云羌三苗姜姓之別舜徙于三危今河間之西南羌是也

舜單行本作裔

桂氏

右鮮卑王章攷後漢書光武紀建武三十年春正月鮮卑大人內屬朝賀又鮮卑傳鮮卑者亦東胡之支

也別依鮮卑山故因號焉光武初匈奴強盛東鮮卑  
與烏桓寇抄北邊殺掠吏人無有甯歲攻鮮卑終漢  
之世長爲邊患元初四年冬入上谷攻居庸關度遼  
將軍鄧遵發出塞追擊永甯元年遼西鮮卑大人烏  
倫其至鞬率衆詣鄧遵降封烏倫爲率衆王其至鞬  
爲率衆侯桓帝時鮮卑大人檀石槐最強盛永壽二  
年寇雲中延熹九年寇緣邊九郡復遣匈奴中郎將  
張奐擊之乃出塞去朝廷積患之而不能制遂遣使  
持印綬封檀石槐爲王此印或卽是也又攷史記匈

奴傳東胡索隱引服虔云烏丸之先復爲鮮卑在何  
奴東故曰東胡按胡廣云鮮卑東胡別種又應奉云  
秦築長城徒役之士亡出塞外依鮮卑山因以爲號  
又晉書東夷傳云扶餘國在元菟北千餘里南接鮮  
卑

大年據印史摹補

龜鈕

顏譜龜鈕

右部洛王章案洛當卽落也攷洛落古通春秋閔元



年盟于落姑公陽穀梁皆作洛姑又攷烏桓鮮卑皆有部落之稱後漢書烏桓傳言有勇健能決鬪訟者推爲大人無世業相繼邑落各有小帥數百千落自爲一部其約法違大人言者梟至死若相賊殺者令部落自相報不止詣大人告之靈帝初烏桓大人上谷有難樓者衆千餘落遼西有丘力居者衆五千餘落皆自稱王又遼東蘇僕延衆千餘落自稱峭王右北平烏延衆八百餘落自稱汗魯王並勇健而多計策則此印所云部落王者當卽烏桓也

桂氏

右印文曰哀牢王章攷後漢書南蠻西南夷列傳哀  
牢夷者其先有婦人名莎壹居于牢山嘗捕魚水中  
觸沈木若有感因懷姙十月產子男十人後沈木化  
爲龍出水上莎壹忽聞龍語曰若爲我生子今悉何  
在九子見龍驚走獨小子不能去背龍而坐龍因舐  
之其母鳥語謂背爲九謂坐爲隆因名子曰九龍及  
後長大諸兄以九隆能爲父所舐而黠遂共推以爲

主後牢山下有一夫一婦復生十女子九隆兄弟皆娶以爲妻後漸相滋長種人皆刻畫其身象龍文衣皆著尾章懷注云自此以上並見風俗通也又云九隆死世世相繼乃分置小王往往邑居散在谿谷絕域荒外山川阻深生人以來未嘗交通中國此印蓋卽其國王之印也餘詳史傳郡國志永昌郡明帝永平二年分益州置哀牢永平中置故牢王國

大年據印史募補

顧諸

右印文曰蠻夷邑侯攷洪氏隸續繁長張禪等題名  
有稱夷侯者九邑長邑君各三又攷漢書西南夷傳  
言在蜀之西自駝以東北君長以十數白馬最大皆  
氏類也此皆巴蜀西南外蠻夷也後漢書光武紀建  
武十二年九真徼外蠻夷張遊率種人內屬封爲歸  
漢里君此印已載嘯堂集古錄

右印文曰蠻夷邑長案邑長當是邑侯之屬官也

查氏

右印文曰白虎邑長攷隸續張禪等題名後有夷侯  
邑長邑君夷民及白馬夷王謝節白虎夷王資偉洪  
氏跋云范史西南夷傳安帝時青衣道夷邑長令田  
舉土內屬帝增令田爵號奉通邑君則邑君邑長皆

夷酋之稱也史載蜀郡徼外有白馬國葑都之西有  
白狼國無所謂白虎國者秦時有白虎爲巴蜀之害  
募能殺之者賞邑萬家閬中夷人登樓射殺之卽板  
楯蠻之先也又赤穴巴氏子乘土船能浮衆共立之  
爲廩君旣死魂魄爲白虎所謂白虎王者豈此二國  
之別稱乎則此卽白虎夷王下之邑長也

印存

右氏伯長印攷史記匈奴傳右方王將居西方直上

郡以西接月氏氏羌索隱曰風俗通云氏本西南夷種地理志武都有白馬氏又魚豢魏略云漢置武都郡排其種人分竄山谷或號青氏或號白氏纂文云氏亦羊稱中溶攷後漢書西南夷傳白馬氏者武帝元鼎六年開分廣漢西部合以爲武都氏人勇戇抵冒貪貨死利居於河池一名仇池數爲邊寇郡縣討之則依國自守元封三年氏人反叛遣兵破之分徙酒泉郡昭帝元鳳元年復叛討破之及王莽篡亂氏人亦叛建武初悉附隴蜀及魏躡滅其酋豪乃背公

孫述降漢隴西太守馬援上復其王侯君長賜以印綬又案漢制蠻夷邑長仟長佰長皆有漢字此獨無漢字蓋其國自置之長也又互作自篆體殊繆又攷說文佰相什伯也伯長也二字義別

顧諸

右印文曰漢威武將校尉攷匈奴傳建國元年易單于故印故印文曰匈奴單于璽莽更曰新匈奴單于章單于曰漢賜單于印言璽不言章又無漢字諸王



以下迺有漢言章今印去璽加新與臣下無別願得故印則此印有漢字當與蠻邑王以下諸印有漢字同蓋亦漢封蠻夷將校之印也

桂氏

右印文曰漢歸義夷王案此蓋漢封蠻夷王印歸義詳前

大年據印史摹補

桂氏

右印文曰歸義安侯案既云歸義上當有漢字疑有脫譌攷漢書西域烏孫國傳云元始中卑爰寔殺烏日領以自效漢封爲歸義侯卽此類也安夷詳後漢安邑長下

印存

右印文曰漢匈奴縣適姑夕且渠攷漢書匈奴傳有

姑夕王又有當戶且渠日逐且渠及左大且渠等名  
皆其官號則惡適姑夕當是匈奴之小王而且渠乃  
其官也

金氏駝鈕顧譜

右印文曰漢夷邑長詳前

印存顧  
譜獸鈕

二印並范氏駝鈕

右印文曰漢宛邑長集古印譜曰尙書牧誓注有蜀

叟孔頴達曰叟長蜀夷之別名漢興平元年馬騰劉  
範謀誅李傕益州牧劉焉遣叟兵五千助之中潒攷  
窰亦作搜古通漢書文帝紀元光元年渠搜氏羌徠  
服又大平寰宇記西戎判汗國亦名鑠汗國都葱嶺  
西五百餘里蓋古之渠搜國也禹貢析支渠搜西戎  
卽叙宋膺異物志以爲渠搜在踈勒國西西域志云  
鑠汗國古渠搜也今按其國在長安西九千六百里  
又案桂氏繆篆分韻有云漢窰左長左蓋邑之譌

右印文曰漢青羌邑長青羌卽青氏之類攷地理志  
武都郡武帝元鼎六年置應劭曰故白馬氏羌又隴  
西郡有氐道羌道後漢書光武紀建武九年復置護  
羌校尉官章懷注漢官儀曰武帝置秩比二千石持  
節以護西羌王莽亂遂罷時班彪議宜復其官以理  
冤結帝從之以牛邯爲護羌校尉都於隴西令居縣  
十年十月先零羌寇金城隴西來歙率諸將擊羌於

五谿大破之

自後羌人屢犯

十三年七月廣漢徼外白馬羌

率種人內屬章懷注羌有百五十四種在廣漢西北者爲白馬羌又和帝紀永初二年七月蜀郡徼外羌舉土內屬章懷注東觀記曰徼外羌薄申等八種舉衆降其後叛歸無常不能盡錄

駝鉏

右印文曰漢破虜羌長攷後漢建初中昆明夷鹵承應募擊哀牢斬其王類牢封破虜傍邑侯又匈奴左

集古官印攷

卷九

十九

鹿蠡王須沈助擊零昌封破虜侯則此必蠻夷有功  
封爲羌長之印也

桂氏

右漢歸義長印案但云長而無蠻夷國號疑有脫文

顧譜

右印文曰漢安仟長詳前

顧諸

右漢仵長印但云仵長未知所屬

右印文曰漢盧水仵長山左金石志云漢書地理志中山國盧奴注曰盧水出右北平東入海北平注曰又有盧水亦至高陽入河是二盧俱在冀縣之北後漢書西羌傳羌燒何豪有婦人比銅鉗者百餘歲多



智算爲盧水胡所擊晉書紀永平元年馮翊北地馬  
蘭羌盧水胡反是盧水近邊故其時部署任長以爲  
禦寇之計而有此印也中洛放後漢書西南夷傳建  
武十九年遣武威將軍劉尚等發廣漢犍爲蜀郡人  
及朱提夷合萬三千人擊滇國尙軍遂渡瀘水入益  
州界羣夷聞大兵至皆棄壘奔走注瀘水一名若水  
出旄牛徼外經朱提至僂道入江在今嵩縣又後漢  
書滇良傳云時爲盧水胡所擊又云建初二年於是  
諸種及屬國盧西南夷冉駹夷傳云北有黃石北地

盧水胡悉與相應

孔氏彙駢鈕

右印文曰漢歸義夷仵長詳前

右印文曰漢歸義胡長蓋匈奴胡王之官也而不稱  
邑長仵長佰長與前破虜羌長同

顧諸兎鈕

右印文曰漢歸義胡阡長詳前案此印文詔作歸繆甚集古印譜誤釋作師攷阡仵古可通然說文人部但有佰而無仵官部亦無阡字徐鉉新附云路東西爲陌南北爲阡然漢書陳勝贊俛仰阡陌之中司馬貞索隱謂千人百人之長也而史記匈奴傳漢書百官阡長陌長表卽作千百字今據漢印則漢時已有阡仵二字明矣未知許君何以不收

顧諸環鉉

右印文曰漢歸義胡佰長詳前

印存

右印文曰漢歸義羌仟長攷漢書趙充國傳有歸義羌侯楊玉等此仟長蓋卽侯之屬餘詳前

查氏

右印文曰漢歸義羌佰長詳前

桂氏

右印文曰漢歸義穢佰長詳前討歲辦軍印

顧譜

右印文曰漢率衆長詳前

楊氏 諸印叢說 組

石印文曰漢屠各率衆長攷後漢書烏桓傳桓帝永  
壽中朔方烏桓與休著屠各並畔鮮卑傳熹平二年  
冬鮮卑入北地太守夏育率休著屠各追擊破之又  
公孫瓚傳瓚子續爲屠各所殺又晉書北狄匈奴傳  
北狄以部落爲類其入居塞者有屠各等凡十九種  
皆有部落不相雜錯屠各最豪貴故得爲單于統領  
錢少詹外舅後漢書攷異云南匈奴傳有部醯落與  
著各胡白馬銅等十餘萬人反靈帝紀作休屠各按  
休屠之屠音儲而著亦音直慮切譯語有輕重其實

一也烏桓鮮卑傳俱云休著屠各此必讀范史者音著爲屠後遂攙入正文耳中溶案休屠各當卽休著屠各休著或又是屠各之部落名攷漢書馬日磾爲休屠王太子休屠王當卽休著屠各單于其稱著各休屠各與稱休屠皆同例夷語每無定也

右印文曰漢保塞烏桓率衆長攷史記匈奴傳燕北有東胡幾各分散居谿谷自有君長索隱引漢書音

義曰東胡烏丸或云鮮卑在匈奴東故曰東胡案續  
漢書曰漢初匈奴冒頓滅其國餘類保烏桓山以爲  
號俗隨水草居無常處桓以之名烏號爲姓單行本  
常處以父之又漢書趙充國傳言閒者匈奴困於西  
名字爲姓方聞烏桓來保塞而攷後漢書桓帝紀永壽九年南  
匈奴烏桓率衆詣張奐降又烏桓傳烏桓者本東胡  
也漢初匈奴冒頓滅其國餘類保烏桓山因以爲號  
焉武帝遣驃騎將軍霍去病擊破匈奴左地因徙烏  
桓於上谷漁陽右北平遼東五郡塞外爲漢偵察匈奴



奴動靜昭帝時漸強大將軍霍光遣度遼將軍范明  
友輒破之

案見昭  
帝紀

宣帝時乃稍保塞降附王莽時亡

畔光武初與匈奴連兵爲寇建武二十二年烏桓大  
破匈奴帝乃以幣帛賂烏桓二十五年遼西烏桓大  
人郝且等九百三十二人率衆向化詣闕朝貢於是  
封其渠帥爲侯王君長者八十一人皆居塞內布於  
緣邊諸郡令招來種人給其衣食遂爲漢偵候助擊  
匈奴明章和三世皆保塞無事其後與匈奴休著屠  
各及鮮卑屢爲寇緣邊九郡俱反皆出塞去建安十

二年曹操自征烏桓大破之餘落悉徙居中國又三  
國魏志建安十年消表孔尙袁熙奔三郡烏丸又三  
郡烏丸攻鮮于輔於獷平曹操救之烏丸奔走出塞  
十一年三部烏丸承天下亂破幽州又大破之十二  
年易水代郡烏丸上郡烏丸將其名王來賀建安二  
十一年代郡烏丸行單于普富盧與其侯王來朝

駝鈕

右印文曰漢率善羌長王月鋤所藏與前破虜羌長

歸義胡長同案率善之名見於魏晉印者甚多而漢印不多見攷後漢書西南夷傳武帝東珠厓太守孫幸調廣幅布獻之蠻不堪役遂攻郡殺幸幸子豹合率善人還復破之則率善之稱西京時已有之矣

右印文曰漢率善氏佰長案此與前羌長義同

右印文曰漢匈奴守善長据史皆言率善而此印獨改率爲守未知其義

右印文曰蠻夷率善邑長此當是蠻夷之邑長而云率善似與前羌長氏佰長同乃蠻夷之歸漢者然首無漢字或其中有別或以印文六字相配減去漢字耳乙未八月見明季崑山陳襟寰先生應期爲其父忠烈公淮在蘇禦倭寇殉難未得褒錫續又上疏表

揚始得恩准建祠其手書疏稿後又有詩文雜著末  
號印下再用此印結體字畫不稍漫闕甚爲完善蓋  
其藏此漢印爲寶愛之物故卽取以印其上耳淮崑  
邑諸生襟袞中萬歷甲午鄉榜後官縣令疏稿詩文  
等凡二冊今藏吾邑南翔里人陳春山家

右印文曰新保塞漁陽左小長案漁陽郡亦烏桓徙  
居之地爲漢偵察者故云保塞漁陽其稱新亦莽時

物也長有小長之稱且分左右皆其制耳印爲海昌  
許珊林刺史槿藏

右印文曰新西國安干制外羌佰右小長案此亦莽  
時西羌之印故稱新西國也安干制外當是羌人部  
落之名佰長亦有小長及左右之目與前印略同蓋  
皆亡新之制

右印文曰寔陷陟司馬攷陷陟司馬已見前此稱寔者當是征寔人之官也

桂氏

右印文曰新難兜騎攷漢書西域傳云難兜國王治去長安萬一百五十里戶五千口三萬一千勝兵八千人東北至都護治所二千八百五十里西至無雷

三百四十里。穀蒲陶諸果有銀銅鐵作兵與諸國同屬。罽賓又云罽賓東北西至難陀國九日。又云烏秣國西與難陀接而攷扞彌于闐皮山。莎車疏勒烏孫姑墨溫宿黠茲危須西且彌等國皆有左右騎君。則此蓋難陀國騎君之印也。印文首云新其爲莽時之印無疑。